



Extrait de la revue **SingulierS** du 4^{ème} trimestre 2005

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Textes

Noyi, Noyi !

Joseph DOCQUIER

(wallon de Ville-du-Bois)

Noyi, Noyi, pâye o payis !
L' èfant ki dwème c' èst nosse bon Dju :

Èt c' è-st-on stâve k' il a tchûzi
Avou do strin èt do bistû.
Nos-ûs stâmous' sins rapapyî
D' èl vêye si frisse o s' batchê d' tû :

Noyi, Noyi, pâye o payis !
L' èfant ki dwème c' èst nosse bon Dju.

Sît-on pocwè i dût vikî
Li Sint nozé èt k' a si frûd ?
I cnoche dèdja tos nos disduts,
Nos deûrs visèdjes èt nos dusplis.

Noyi, Noyi, pâye o payis !
L' èfant ki dwème, c' èst nosse bon Dju.

Malêjis mots

batchê = baquet. / **bistû** = bétail. / **disdut** = tapage, vacarme. / **frissee** = frais. / **nozé** = mignon, gracieux. / **pâye** = paix. / **rapapyî** = fermer la paupière. / **stâmous'** = étonné, stupéfié. / **stâve** = étable. / **û** = oeil.